

Iaŕen itok itak eo an Jane



Jān Jessica Larsen
Pedped wōt ioon juon bwebwenato eṃool

New York, USA, 1843

Jane Manning eaar lale wa eo ej eppāpe jān aba eo nān Lake Erie. Liin eaar eñjake āinwōt ettōnak ko an raar eppāpe ʒok ippān.

Juon iio emootʒok, liin eaar koba tok ilo Kabuñ eo an Jisōs Kraist im Armej ro Rekwojarjar ilo Raak-ko Āliktata im kar jokālet nān eṃmakūt nān an pād ippān Armej ro Rekwojarjar ilo Nauvoo. Jinen im ro jet jiljilimjuon uwaan baamle eo raar etal ippānʒok ilo Erie Canel eo nān Buffalo, New York. Bōtaab ilo Buffalo, raar jab kauweik er ilo wa eo kōnke kōn kōlar in kŭlier.

“Ta eo jej kōmman kiiō?” ʒeo jemjān jemjatin, Isaac, eaar kajjitōk ilo ainikien edik.

Kajjitōk eo eaar epanijñij ilo mejatoto eo eṃōlo. Nauvoo eaar 800 mañ (1,287 km) ettoʒok. Remaroñ in

kar ebbeer ak bar jeplaak nān kapijuknen, ak kajjieoñ etal tok ālik. . . .

Bōtaab Jane eaar jab maroñ kōttar! Liin eaar jeļā Bok in Mormon eo eaar ṃool. Anij eaar bar juon alen kōnono nān rikanaan ro. Liin eaar aikuj in etal nān Nauvoo ippān baamle eo an.

Jane eaar jutak kankan im reitoʒok. “Jej etetal laļ ʒok.”

Im raar etetal laļ ʒok. Ṅae iien juuj ko aer raar potak. Ṅae iien nee ko neer raar kōk im toor bŭtōktōk im raar aikuj jar nān aer mo. Jet iien raar kiki itunamōj, im ṃōlo eo eaar kanooj in ʒap eaar āinwōt ej wōtʒok jño. Jet armej raar kaamjak er im likūt er ilo kalbuuj, ʒōmṃak bwe raar rikōmakoko ro raar ko. Raar jab jeļā bwe Manning ro raar juon baamle in rikilmej ranemkwoj. Im raar etetal laļ ʒok wōt, al al ko nān kōṃokajʒok iien.

Raar epaake Nauvoo ke raar tōpar juon reba. “Ejjeʒok būriij,” Isaac eaar ba. Jane eaar eṃajidjid. “Innām, jej aikuj etetal ilowaan ʒok.” Ke eaar jutak ilowaan reba eo, dān eo eaar tōpar kolele in neen. Jidik kake, liin eaar wōnṃaanʒok. Dān eo eaar ṃōkaj an tōpar bukien innām eļļā jān ipiin. Ilo tōre eo eaar tōpar ioļapļap in aaget eo, dān eo eaar tōpar kōnwaan! Jeraamman, eaar jab ṃwilalʒok, im aolepān Manning ro raar kijoone ilo ineemman.

Āliktata raar itok nān Nauvoo. Jane emaroñ kar lo dekaļaim in dāpdep ko raiboojoj an Nauvoo Tampeļ eo ioon juon bat ioon komlaļ eo. Meñe ejañin kar dedeʒok, eaar kabuñ būruwōn.

Juon eaar tōʒok er nān ṃweo ijo Josep eaar jokwe ie.

Juon kōrā aitok, ekilmej koļan bōran eaar jutak ilo ṃaan kōjām eo. “Deļōñ tok, delōñ tok!” liin eaar ikkūr. “Nā Emma Smith.”

Minit ko tok jet raar tab mejatoto. Jane eaar ioon Rikanaan eo, im eaar karōk jea ko ilowaan ruuṃ eo nān Manning ro. Jane eaar jijeʒok ilo jea eo kōn kaṃoolol im roñjake ke Josep eaar kwaʒok kadkadier nān aolep ro ijo, ekoba eo ṃōttan Dr. Bernhisel. Innām Josep eaar oktakʒok nān Jane, “Kwar imaan jar jidik in, kwar ke?” eaar kajjitōk. “Aaet, le!” Jane eaar uwaak.

Josep eaar ettōñ. “Anij en kōjeraamman eok! Kiiō ikōṃaan roñ kōn itok itak ko ami.”

Jane eaar ba kōn jorrāan an nee ko neer im kiki ilo jño im kijoone reba eo. Aolep raar kanooj roñjake ilo ikōñ. “Bōtaab eaar jab nana,” liin eaar kōjemʒoke. “Kōm kar ilok ilo iaļ in am lañlōñ, al al ko im kaṃoolol Anij kōn eṃman eo

An ejjeʒok jemʒokin im meanwōd eo nān kōm ilo kōjeraamman kōm, kōjparok kōm, im kamo nee ko neem.”

Eaar wōr ikōn iumwin juon iien. “Ta aṃ ʒōmṃak kōn men eo, Taktō?” Āliktata Josep eaar ba, deñōt bukien eṃṃaan eo. “Ta ejjab tōmak ke?”

“Eļāñe en kar nā, ij mijak ij aikuj kar bweradikʒok im bar jeplaak nān kapijuknen!” Dr. Bernhisel eaar kwaʒoke.

Josep eaar eṃajidjid im oktakʒok nān Jane im baamle eo an: “Anij en kōjeraamman kom. Komij ibwilijin ro ṃōtta.” ■

Rijeje eo ej jokwe ilo Texas, USA.



KŌMELE JĀN JIM MADSEN